

سنه لکی درسعات ایچون مجیدیه  
یکرمی غروش حسابله التمش  
غروشدر

شمره ایچون پوسته اجرتی اوله رق  
اون بش غروش ضم اولنور

نسخه سی ۴۰ پاره در

# مَحْكَمَةُ حَاكِمِيَّةِ اُولَانِ

آبونه اولمق ایستینلر دائره عدلیه ده  
اداره مخصوصه سنه مراجعت  
ایتملیدر

اعلاناتک بهرنیدن بر مجیدیه اخذ  
ایدیلور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه به متعلقدر

## تَوْجِیْهَاتْ

تپه دین قضایی بدایت محکمه سی جزا دائره سی ریاستی مکتب حقوق شاهانه ماذونلرندن عثمان بحری افسدی به تفویض بیورلش و مومی الیهک علی الاصول امر تحلیفی در دست اجرا بولمشددر .

## تَبْلِیْغَاتْ

توتون محصولی خارجه سوق ایتمک اوزره زراعت رژی اداره سنه ویردیکی تعهد سندانک اون غروشلق تمغا پوله تابع اولمق لازم کله جکی حقه ده امور حقوقیه مدیریتندن اعطاقلنان مذکره اوزرینه دستورک اوچنچی جلدینک اوچبوز التمش اوچنچی صحیفه سنده مندرج نمونه سنده کوسترلیدیکی اوزره سندات مذکور خارجه سوق اولنان دخانلرک اوراده صرفیات رسمی آلدیغنی ویا داخل ممالکده صرف اولندیغنی ویا خود برآ ترانسیت اصولیه دیگر محله و بحرآ ممالک اجنبیه به کوندردلیکنی ویا رژی به تسلیم اولنق اوزره کمرک انبارینه ادخال ایدلیدیکنی مبین مدت معینه سی ظرفده شهادتنامه ابراز ایدیلهمدیکی حالده صرفیات و مروریه رسمنک مع فائض تأدیه اولنه جنی شرائط و مقاولاتی جامع اولسنه نظرآ بونلرک مقدار معین بر مبانی حاوی اولیوب مذکره مبعونه ده بیان اولندیغنی وجهله تمغا قانوننک رسوم مقطوعه حقه ده کی تعرفه سی موجبجه اون غروشلق پوله تابع اولان مقاوله نامه جملهنسندن ایدوکی اکلاشلمش اولدیغندن اولو جهله معامله ایفاسی اقتضا ایده جکی انجمن عدلیه دن افاده اولنمشدر .

محمدافندینک بک اوغلی بدایت محکمه سی حقوق دائره سنندن معطی برقطعه اعلام غیابی موجبجه حسن اغادن مطلوبی بولنان اوتوزالتی لیرانک تسویه سی ایچون مدیون مرقومک عهده تصرفده اولوب دائره اجراجیه

بالمزایده حاله قطعه سی اجرا قلنان اورتیه کوبد، جامع شریف زقاغنده کاشن خانه نک ثلث حصه سنک مسکن شرعی اولدیغنی ادعا قلنمش و بالخباره دائره بلدیندن آلنان مذکره جوابیه ده دخی مذکور خانه نک مسکن اوله رق مقید اولدیغنی و مدیونک بشقه املاکی اولدیغنی کوسترلش ایدوکنندن بختله معاملات اجراییه نک ختامندن صکره وقوعبولان اشبوادعانک مسموع اولوب اولهمیه جغنک تعینی حقه ده بک اوغلی بدایت محکمه سی ریاست اولاسندن ویریلان مذکره اوزرینه دین ایچون اموال غیر منقوله نک فروختی حقه ده کی نظامنا مه نک برنجی ماده سیله اجرا قانوننک الی بشنچی ماده سنده دین عادیدن طولای مدیونک مسکن شرعی عیسنک فروخت اولهمیه جنی صراحه کوسترلش و بناء علیه دائره اجراجیه مدیون مزبور حسن اغانک مسکن شرعیسی ایدوکی تحقق ایدن حصه مذکورده نک موقع مزایده به وضعی یولسز و مغایر قانون بولنش اولسنه نظرآ مدت مزایده نک ختامیه اجرا قلنان حاله قطعه نک برکونه جکمی اولهمیه جنی کی مدیونک تاریخ حاله به قدر اختیار سکوت ایتش اولمسیده داینه برحق استفاده بخش ایده میه جکی درکار بولنش اولدیغندن شایان تصحیح کورینان معاملات اجراییه نک صور محرره دائره سنده اصلاحی لازم کله جکی انجمن عدلیه افاده سیله جوابآ ریاست مذکوریه بیلدرلمشدر.

## مَحْكَمَةُ مَقَرَّاتْ

کسندیره قضاسنه مربوط وادوس قریه سنندن طرفیان ورفقاسنک انای راهده اوکترینه چیه رق معامله جبر و شدت اجراسیله اچیه واشیاسنی اخذ و غصب ایتلرندن طولای جنایتله اتهام اولنان جلیل بن سلیمان و سلیمان بن عثمانک اوچر سنه مدته کورکه قونلرینه دائر سلانیک ولایتی استیناف محکمه سی جزا دائره سنندن ویریلان اوتوز بش نومرلی اعلام ایلصان قضاسنک ملاکن قریه سنندن عمر بن احمد

خواجه نک کیفیت قتلندن طولای جنایتله اتهام اولنان قریه مذکورده لی آدم بن احمدک اون بش سنه مدته کورکه قونلسنه دائر ایلصان سنجانغی بدایت محکمه سی جزا دائره سنندن ویریلان طقسان نومرولی اعلام برر اوغلی عثمانک زوجه سی فاطمه نک ضربا کیفیت قتلندن طولای جنایتله اتهام اولنان بک اوغلی عثمان و محمدوملری احمد و عارفک بشر سنه مدته کورکه قونلرینه دائر طربزون ولایتی استیناف محکمه سی جزا دائره سنندن ویریلان سکر نومرولی اعلام

عیانجق قصبه سننده مقیم یانقو ولد النسطاشک دکانی کلیدی قیره رق اشیاسنی سرقت ایتلرندن طولای جنایتله اتهام اولنان قصبه مذکورده کوله من اوغلی احمد بن حسن و برادری محمدک اوچر سنه مدته کورکه قونلرینه دائر سینوب سنجانغی بدایت محکمه سی جزا دائره سنندن ویریلان یتش یدی نومرولی اعلام

قره طاغ ناحیه سنندن قارتال احمد بن عمرک ماده قتلندن طولای جنایتله اتهام اولنان ناحیه مذکورده بکجیسی موطوش بن و بسلک اون بش سنه مدته کورکه قونلسنه دائر سلانیک ولایتی استیناف محکمه سی جزا دائره سنندن ویریلان یوز اون طقوز نومرولی اعلام

قوایه قضاسنک زانشیق قریه سنندن محمود بن سلیمانی قتل ایتمسندن طولای جنایتله اتهام اولنان قریه مذکورده لی رمضان بن بیرامک اون بش سنه مدته کورکه قونلسنه دائر دراج سنجانغی بدایت محکمه سی جزا دائره سنندن ویریلان یوز یتش درت نومرولی اعلام

عشاق قضاسنک قره حالو قریه سنندن حافظ رمضانک کیفیت قتلندن دولای جنایتله اتهام اولنان رمضان بن حسین و سلیم بن علی و عمر بن احمد و حسن بن مصطفانک اون بشر سنه مدته کورکه قونلرینه دائر کوتاهیه سنجانغی بدایت محکمه سی جزا دائره سنندن ویریلان التمش درت نومرولی اعلام

محمد بن عیید ابی قوناسک دکانی طواتی دله رک



اشیائی سرقت ایلدیکي ادعا قلمسندن طولانی جنایتله اتهام اولنان خسیل محمد بن علی البلیک بش سنه مدته کورکه قوئلسنه دأر خمس سنجائی بدایت محکمه سی جزا دائره سندن ایکنجی دفعه اوله رق ویریلان اون درت نومرولی اعلام

لنقطه قضاسنک کولجه قریه سندن احمد بن یرامک کیفیت قتلندن دولای جنایتله اتهام اولنان حسین بن امینک اون بش سنه مدته کورکه قوئلسنه دأر سالنیک ولایتی استیناف محکمه سی جزا دائره سندن ویریلان ایکپوز قرق درت نومرولی اعلام

زینل نورالدین بن شاشونک ماده قتلندن طولانی جنایتله اتهام اولنان مقتولک یکنی رجب بن مصطفی شاشورینک اون بش سنه مدته کورکه قوئلسنه دأر دراج سنجائی بدایت محکمه سی جزا دائره سندن ویریلان اون طقوز نومرولی اعلام

بروسه نیک بابا ذاکر محله سندن سلیمان اوغلی حسن خواجه نیک قتل اولدینی اداسندن طولانی جنایتله اتهام اولنان رژی قوئلندن یوسف بن کنعانک اون بش سنه مدته کورکه قوئلسنه دأر خداوندکار ولایتی استیناف محکمه سی جزا دائره سندن ویریلان طقوز نومرولی اعلام

موشک دره محله سندن قوندره جی آرونک چراغی آراک نام دیگر ارامیلی قتل ایلدیکي ادعا اولن سندن طولانی جنایتله اتهام اولنان باری ولد اوخانسک اون بش سنه مدته کورکه قوئلسنه دأر موش سنجائی بدایت محکمه سی جزا دائره سندن ویریلان اوتوز نومرولی اعلام محکمه تمیز جزا دائره سنجه تصدیق اولنشدر .

۲۲۱ نومرولی نسخه ده مندرج در سعادت جنایت محکمه سی اعلامنک بقیه سی :

بینه مذکور موقده مستخدم بشنجی طابورک دردینجی بلوکی اوچنجی چاوشی الی یاشنده نیکه دی حسین بن مصطفی دخی امینه خاتمک خانه سنک تحریسی ضمانده کیتدکلرنده مزبورده کوروب کورمدکلرنی قومشورلندن سؤال ایتدکلرنده بیلمدکلرنی سوللریله خانه یه کیرمک ایچون بکچی محمد ایله متهم عبده باغچه دیوارندن اتلایه رق کندولرینه زقاق قیوسی آجوب بولدکلرنی اخبار وعنده الاستیضاح متهم مرقوم کندولری خانه یه کیردکلرن صکره مذکور اوطنه یه دخول ایله مزبورده کوردیکنی واثانده مرقوم کرداشم قائل ایچنده دهرک فریادی کورمش ایسه ده مرقومه اترخوف وتلاش اولوب اولدینک فرقه ده بولمدینگی ومرقومک استیجوابنده برآمدت حاضر

بولهرق بن قرداشمدن باره ایستدم ویرمدی بنی اودن قوغدی دیدیکنی واوزرینک تحریسند زهور ایدن بر لیرا ایله بر قاق کسور غروشک زردن آلدینگی صورتقلرنده کندی باره سی اولدینگی سولیدیکنی ایشتدیکنی تذکار ومن بوردنک زوجی محمد اقدی بی حال حیانتده طانوراید وکندن برایی دفعه بونک خانه سنه کیتدیکنی ومن بوردنک سوءحالی کورمدیکنی وخانه یه دخوللرنده اشیانک قاریشیق اولوب اولدینگی دقت ایتدیکنی ومن بوردنک ایانی جیلاق اولوب قان لیکسی کورمدیکنی واطه درونی قانله ملمع وقائلر یختیلاش اولوب فقط اوطنه نیک آلتدیمک بودرومه کیردیکنده اوطنه دن آقان قانلرک هنوز قوروماش ایدوکنی مشاهده ایلدیکنی علاوه کفتار ایلدی .

متهم عبده اوزرندن زهور ایدن باره عسکرلک زماننده آلمش اولدینگی باره ایدوکنی بیان ایتدی .

ات یزده سلطان چشمه سنده درت نومرولی خانه ده ساکن غلطه ده کورجیلک ایدن یکریمی اوچ یاشنده آستانه لی شریف بن محمد خاطرلنده قالدینی برکیجه فیضی اقدینک قهوه خانه سنده اوپوردینی اتانده نظامیه ضابطانندن نیازی اقدی بالورودقهوه .

خانه ده بولنان حضور محکمه ده کی متهم عبدالله خطاباً سزک اوده کدی جاماره آلیبور کیدوب باقی دیمسیه مرقوم اوده طاوقلرده وار بر قاق کوندر بکچی ایله کیدیورم کیمسه یوق دیدیکنی وبوصرده فیضی اقدینک دخی کلکی اوزرینه کیتی مومی ایلله حکایه ایللریله مومی ایله کیدوب قره غوله خبر ویردک مأمور ایلله برار یاقیز دیدیکنی وبونک اوزرینه پولیس مأمورلریله محله مختاری وبکچی ومرقوم عبده برلکده مذکور خانه یه کیدرک باغچه دیوارندن اتلامق ایچون کندوسی متهم مرقومه اوموز وروب اتلایه جتی اتانده جوار قومشورلی باغچه قیو اولدینگی اخطار ایتلریله مرقوم اتلایه رق اشانی ایندیکنی وفرداسی تکرار مومی الهم مذکور خانه یه کیتدکلرنده مرقومک همشیره سی امینه خاتمی قتیله بولدکلرنی ایشتدیکنی افاده ومرقومک اوموزنه جیقدینی اتانده ایاقلرنده رعشه حس ایتدیکنی ومن بوردنک امینه خاتم کندی محله سنده ساکنه بولندینندن کندی حائلده بر قادن اولدینگی بیلدیکنی افادات واقعه سنه علاوه ایلدی .

متهم عبده دخی شاهد مرقومک وقوع حالی سولیکده اولدینندن برده جکی اولدینگی ایراد ایلدی .

صاهی مرکز سر قومیسری قرق ایک یاشنده قاقفاسیه لی عمر ممتاز اقدی ابن اسماعیل دخی امینه خاتمک خانه سنده قتل اولن سندن طولانی برادری حضور محکمه ده کی متهم عبده در دستله مرکز کتوریله رک استیجواب ایتدیکندن بالبحث شود

مستمعه دن مصطفی عاصم ومحمد عاصم اقدیلرک شهادتی وجهله کیفیت یاد ولدی السؤال مأمورین ضابطه نیک مذکور خانه یه دخوللرنده کندوسی بولمدینندن بالطبع متهمک اوراده کی احوالی کورمدیکنی وشو قدرکه انانی استیجوابنده رکننده بوزوقلق کوردیکنی کئی ایراد ایلدیکنی استله یه ده تانی ایله جواب ویردیکنی ومرقومک قیرده یاندینغه دائر برشی سولیدیکنی ایراد ایلدی .

متهم برده جکی اولدینگی سولیدی .

قوجه مصطفی یاشاده کوچک بازکان اوطنه لرنده ساکن اولوب ات یزده فیضی اقدینک قهوه خانه سنده چراقق ایدن اون یدی یاشنده اسمیه لی علی بن صفا متهم عبد اللهک مقتوله امینه خاتمک خانه سنه قیو ایتام سندن طولانی درت بش کیجه قهوه خانه ده یاندینگی یلور ایسه ده مزبورنک قتلده دائر معلوماتی اولدینگی بیان ولدی السؤال مرقومک قهوه خانه ده یاندینی مدت نظر فنده همشیره سندن شکایتی ایشتمدیکنی کئی مرقومه ییاق وسائر سلاح کورمدیکنی اتیان ایلدی .

صاهیله ایک کوزلی چشمه ده بر خانه ده اقامتله اتمکجیلک ایدن یکریمی ایک یاشنده کیشهرلی یورکی ولد قسطنی دخی قبل الوقه امینه خاتمک خانه سنه هر کون اوغرایه رق اتمک بر اقیق ایدوکنندن مزبورده طانور ایدوکنی وشهر ابوللک اون برنجی کونی یه برعتاد اوغرایدیننده کیمسه سی بوله مدینگی وماء مذکورک اون لتنجی کونی یه مذکور خانه نیک اوکندن انانی مرورنده مأمورین ضابطه نیک تحقیقات اجرا ایتکده اولدکلرنی کورمسيله مسئله نی آکلادینگی بیان وعنده السؤال اتمکی بوضاً مزبوره وبوضاً برادری متهم عبده آلور ایدوکنی ویکدیگر یه بیوک منازعه ایتدکلرنی طوباماش ایسه ده آره صره اوغرایدینی زمان مزبوره نیک عبده اتمک آل دیمسه قارشو مرقوم سنک ایشک نه سن آل کئی سوزلرله مقابله ایتدیکنی ایشتدیکنی اتیان ایلدی .

مرقومان علی ایله یورکینک شهادت لرینه نه دیه جکی متهم عبدالله دن صورتقلده برده جکی اولدینگی سولیدی .

استیضاح واقع اوزرینه طرفین توسیع تحقیقاته متعلق آرتق مطالبی اولدینگی سوللریله تدقیقسانک واصل درجه کال اولدینی آکلادلنده ادعا ومندا فعات سابقه لرینی تکرار ومتهم دخی بشقه برده جکی اولدینگی تذکار ایللریله محاکمه نیک ختام بولدینی بعد الیان مذاکره اوطنه سنه کیدلیدی .

برمنوال محرر طرفین استماع وضبط ورقه لرینک واوراق سائر دعوایک بالمطالعه مندرجاتی ومدعی

عمومی معاوی ایله وکیل مدافعک ادعا ومدافعاتی ومتهمک افاداتی تدقیق واستطلاع اولندقدن صکره جریان ایدن مذاکره ده قتیله وفات ایلدیکنی طیب راپوری موجبجسه بی اشتباه اولان امینه خاتمک قتلندن طولانی فصل مسئله یه کیریلدیکده وقعه دن مقدم برادری متهم عبده قوینندن بریچاق چیقاروب والده باقی بجاغمه کوزل دکلی؛ دهرک یه قوینسنه صوقدینگی وبیچاق طاشیمسنک سینی سؤال ایتدیکنده بوزم باش یاصدیغمزدر بر طشره لیر بجاغمز کره مز دیدیکنی حقوق عمومیه شاهدلرندن هرمن خاتمک ومتهم مرقومک مناسبت پیدا ایش اولدینگی بر قیز ماده سندن طولانی همشیره سی قبول ایتامکده اولدینی اتانده مزبوره نیک متهم ایچون کیجه لری ساعت درنده بشده کیجه کچک یمن ایتسون قبول ایدیم دیدیکنی معقب متهم عبد اللهک ورود ایتسيله دون کیجه زره ده یاندینگی سؤال ایتدیکنده قیرده یاندینگی افاده ایتسنه جواباً براز مقدم همشیره سیله کورشدیکنی سوللی اوزرینه قیام وچا کتی آلتندن جیقدارینگی کیرجه بریچاغی کندوسنه طوغری صاللاوبوب باقی نصدر دهرک وکسکین اولوب اولدینگی تجربه ایچون بجاغک آغزینی باش پارمغیه یوقلایه رق وضع نیام وبیچاق طاشیدینک سینی صورتقلده بن مملکتنده بویه آلیشدم دائما طاشیرم دیو سردکلام ایلدیکنی واقعات اوزری مرقومی مزبورنک خانه سنه کتوردرک قبول ایلینی رجا ایتدیکنده مزبوره نیک کیجه لری برره جیقمیه جفته یمن ایتسون قبول ایدیم دیو سوللی اوزرینه بن یمن طایم دیمسندن مزبوره قیو یی سد وکندوسی رد ایتکله متهم مرقومک حدی فوران واطاله لسان ایدرک جیقوب کیتدیکنی خلیل ابراهیم اقدینک وایکینجی دفعه خانه سنه کلدیکنده زوجه سی مزبوره هرمن خاتمک دون کیجه زرده قالدینگی سؤال ایتدیکنده قیرده یاندینی جوانی ویردیکنی یوسف اقدینک اخبار ایلدکلری حالد متهم مرقومک بیچاق طاشیدینگی انکار ایتسی انانی در دست واستیجوابنده رنکی بوزلمش وایراد اولنان استله یه تانی ایله جواب ویرمکده بولنش اولدینک اظهار حقه مدار اولوق اوزره استماع اولنان مصطفی عاصم و دیگر عاصم اقدیلر ایلله سر قومیسر ممتاز اقدی طرفندن بیان قلمسی وصول النیک اوچنجی بارمنی برنجی سلا میسنک جزو فوقنده آت قاطعه ایله حاصل اولان جرجه نیک نه صورتله اولدینی سؤلله ابتدا زقافده کیتدیکنی ومؤخر قهوه خانه ده اوپوردینی خللده جام ایله کسدیکنی وهالندن الدینی صودا ایله تداوی ایتدیکنی سولیه رک یکدیگر یه ماین کلامده بولندینک عمومی الهمدن ممتاز ومصطفی عاصم اقدیلرک جمله

اخباراتندن وصودا آلدینک دخی اصلی اولمدینی کذا مواجهه و محلفاً استماع قلنان بقال باینک افاداتندن بولنسی وخانه دن طرد اولندقدن صکره ایک کیجه اقسرایده مستان اغانک قهوه خانه سی اوکندکی بیکده یامش ایسه ده کیمسه کورمدیکنی و برکیجه ده آشجی مصطفانک دکاننده بیتوت ایتدیکنی در میان ایش ایکن اشو سوزلرینک دخی کرک مرقوم قهوه جی مستان اغا وکرک آشجی مصطفی طرفلرندن هکذا مع الحلف تکذیب ایلدی قول وفعلنده اصابت اولدینغه دال ومتهمک اقراری وشهود مستمعه دن برقسمنک اخباری وجهله مقتوله امینه خاتمک متهم مرقومی سوء حالندن دولانی خانه سندن طرد ایتدیکنی ومن بوردنک کندی حائلده صاحب عفت بر قادن اولوب کیمسه ایلله الفت ایتدیکنی وخانه سنده کیمسه نیک کیتدیکنی کورلدیکنی معلوم وهمشیره سی درت بش کون خانه سنه ترک ایله محل آخره کیمیه جکی کندوسنجه ده مجزوم ایکن او صرده همشیره سی قومشورلندن صورتقلندن بشقه لاجل التحقیق دیوارندن مذکور خانه نیک باغچه سنه اتلایه جتی صرده قومشورلک باغچه ده قیو اولدینگی اخطار ایتلرنی وسیله بالاتخاذ خانه یه کیرمکدن صرف نظر ایله در حال همشیره سنک حیات ویمانک تحقیقنه مسارع ایتدیرک اول یابده ارائه روی مساهلت واهمال ایلسی بشقه ده شایان دقت بر حال کورمسنه ومدافعه نکلندکده خلقت آدم دنیرو اولاد و اخوات وابه و احفادی قتل واتلاف ایدنلرک امشالی لایم ومتهمک بعد الوقه فرار ایتوبده مقتل جوارنده طولاشمی ومن بوردنی ابتدا کوردیکنده فریاد ایله اوزرینه آتیمسی قضیه لرینک جرمنک کم وستر ایچون اوله جتی غیر مستبعد بولنسنه وقتیک ایقاعیه مقتوله نیک جسدینک بولنسی آره سنده کونلر کیمش اولدینندن آت قتاک نایدید ایلدیه سیله جکی اجدلن محکمه یه تسلیم اولنان بیچاق اولسنه ومتهمک مندیبل وسائر محاند کورلدیکنی بعض شاهد جانندن بیان قلنان لککلر قان بولنسنه ومقتوله دن سرایت ایتسنه وکشف اخیردنده حکم کتورده جک دلیل وجوده کتوریله مسیه یله احوال آفهنک محکمه جیه استحصال ایدیلان بونجه براینی چوریده مامسنه وتحقیقات ابتداییه کوره مقتل اولان خانه یه داخل وقائل اولان شخصک اشبو خانه نیک هرجه تتی بیلور اولدینگی وخانه یه قیودن کیرلدیکنی تعین ایدوب بوبولاری ایسه - چونکه مقتوله نیک آخر کیمسلر ایله اختلاط ایتامکده اولدینگی اخبارات واقعه نیک برقسیمیه مثبت ایدوکنندن - انجی متهمک بیلیمی لازم کلسنه ونتیجه کلام بالاده تعداد اولنان افادات متباینه ودلائل وامارات سائرده دن قرینه قاطعه حصول لیر ومتهمک انکاری وکیل مددا

فک کافه مدافعاتی اسباب مبسوطه یی غیر مستلزم تغییر اولسنه ابتناء متهم مرقومک اوچیز اون سکرسنه سی ایلولنک اون برنجی چهارشنبه کیجه سی ات یزده یازید جدید محله سنده کائن همشیره سی امینه خاتمک خانه سنه کیدرک قتل واتلاف ایتدیکنی تحق ایدوب فقط دائما منازعه ایتکده اوللرینه نظر ایلله وقعه ده دخی تجدید نزاع وبومنارعه نیک نهورینک دوامنده فعل مداهش وخیج مجبوت غنی ایقاع ایلدیکنی وارد ومتهمک لهنه اولان جهتک التزامی لاید اولمغله اولوجهله متهم عبد اللهک بالتهور لاب همشیره سی قتل ایلک فعلنک قاعلی اولدینغه جرمنک نبوتسنده اتفاق ونوعنده اکثریله قرار ویریلرک محاکمه اوطنه سنه عودله قرار مذکور علناً قرائت ویان اولندقه معاون مومی ایله مجرم عبد اللهک قانون جزانک یوز یتش دردینجی ماده سنک فقره اولاسنه توفیقاً تعین جزاسی طلب وادعا ومدافعه وکیلی ایلله متهم ده بشقه دهرجکلری اولدینگی انبا ایللریله بوجهت حقتده کی محاکمه نیک ده اختتامی بالتفهیم تکرار مذاکره اوطنه سنه کیدلیدی .

جهت جزایه حقتده دخی مذاکره کیفیت اولندقه مجرم عبد اللهک فعل وحرکتی قانون جزانک یوز یتش دردینجی ماده سنک فقره اولاسنه موافق اولدینغه وفقره مذکورده ده : « برکیسمن غیر تعمد بر شخصی اتلاف ایش ایسه اون بش سنه مدته کورکه وضع اولنور » دیو محرر بولندینغه منی مرقوم عبد اللهک اشبو فقره قانونیه حکمنه توفیقاً وابتدای توفیقی اولان اوچیز یکریمی سنه سی جمادی الآخره سنک یکریمی سکرنجی کونندن اعتباراً اون بش سنه مدته کورکه قوئلسنه واعلام وضبط واستطاق خرچلریله مصارف ضروریه اولان جمعا درتیوز یتش غروشک دخی مرقومدن استیفا سیله عدلیه وزنه سنه تسلیم ایتدیرلسنه اوچیز اون طقوز سنه سی نیسانک اوننجی کونی متفقاً قرار ویریلرک اصول تفهیمی ایفا قلندی .

علی بن ضرب ایدن یونان دولتی تبعه سندن مراتوز دیتیریدن ایک لیرا آله رق مضروبه ویرلسنه یونان دولتی تبعه سندن یورکی بن ضرب ایدن دیمتری ولد استفانک اون کون حبسنه قرار اوینادقلری اصولاً ثابت اولان صولی خانه مقیم منساو علی وغالب وادرلی علیدن بشر بشلک جزای نقدی اخذینه الی قادی ضرب ایدن قاضی کوننده بل ذکر - ماننده ساکن کورجی یماندینک برهفته حبسنه حسنی ضرب ایدن اسکدارده طوباطاشنده ساکن قانلق برهفته حبسنه



لئونی ضرب ایدن باغلر باشنده غازی نو ده غارسون آرامک برهفته واستپانک اون کون مدتله حبسلرینه قاسم باشاده ساکن مرانغوز علی عثمانی ضرب ایلدیکی ثابت اولان عثمان افندی دن بر لیرا آلتهرق مضروب به اعطاسنه

عبده اغای ضرب ایدن محمودیه جاده سنده قهوه خانه ده ساکن عثمان بن علینک برهفته حبسنه

دفتر لکله جمال خلیلک مجروحیتنه سببیت ویردیکی ثابت اولان بشکطاشده قره بتک قهوه خانه سنده ساکن نورینک برهفته حبسنه و مصارف جراحیه اولهرق تقدیر ایدیلان درتیوز غرو شک بالتحصیل مجروح به اعطاسنه

چشمه میدانلی احسانک خلاف تنیه اوزرنده سلاح طاشیدینی ثابت اولدیغدن بش بشک جزای نقدی آلمسنه

یکدیگری ضرب ایدن پاشا قیوسی طلومبه جی قغوشنده ساکن جمال ولی و برادری حاجینک برر هفته حبسلرینه

زوجه سنک میتا تولید ایلدیکی چو جینی جانب حکومت اخبار و معاینه ایتدیر مکسزین دفن ایدن او طه جی عزت اغادن ایکی بشک جزای نقدی اخذینه

شکری و خلیلی ضرب و جرح ایدن قاضی کوینده ساکن جمال وانی عمرک یکر می کون حبسنه

و کندی و سندن بر لیرا دخی جزای نقدی آلمسنه قوندو قنور طوماس افندی به اجرای مأموریت حالده حقارت ایدن ارن کوینده ساکن رنجبر قهرماندن بر لیرا جزای نقدی آلمسنه

آبوستولیا قادی ضرب ایدن قاضی کوینده قهوه جی علینک برهفته حبسنه

فاطمه خانمی ضرب ایدن تکیه قیوسنده ساکن فرهاددن بر لیرا آلتهرق مضروب به ویرلسنه

نشئت بکک بر لیراسی طولاندرمش اولان عنادیه محله سنده ساکن موسی چاوشک اوچ آی حبسنه در سعادت ، بک اوغلی واسکدار بدایت محکمه لری جزا دائره لر نیجه قرار ویرلشدر .

## اعلانات

ایکنجی تجارت محکمه سنده :

مقدما بازار محللرنده مانیق طوره تجارتیه اشتغال ایتش اولان قهریل مغردیچیانک ۱۷ تشرین ثانی سنه ۳۱۹ تاریخندن اعتباراً اعلان افلاسنه و مصالح افلا سیه نک رؤیت و تسویه سی ضمنتده اعضای محکمه دن سعادتلو جمیل بکک ژوز قومیسر و دعوی وکیللرندن سرکتر آجیان افندی سنک موقت سندنیک تعینلرینه

واشیای زائده بیتیه سنک تمهیریه و کندی و سنک کفالته ربطنه و بوبایدیه کی قرارک موقه اجرا سنه ایکنجی تجارت محکمه سندن قرار ویرلش اولدیغدن قانوننامه تجارتک ۱۷۰ نجی ماده سی موجبجه دائمی سندنیکلر انتخاب اولمق اوزره ۳۱۹ سنه سی کانون اولنک برنجی بازار ایرتسی کونی ساعت یدی راده لرنده اصحاب مطلوب بک محکمه مذکور نک افلاس او طه سنه کلیری اعلان اولنور .

مدالی باقه سنک در سعادت شعبه سنک وکیلی میشل شهبیادیس افندی نک اقدجه بک اوغلنده ترلا باشنده آتون بقال زقاغنده اون بش نومرولی خانه ده ساکن ایکن الیوم اقامتکاهی مجهول بولنان فرونجی کیغورق سرکزیان علینیه اقامه ایلدیکی دعوی اوزرینه ایکیوز سکسان سکز عدد عثمانی لیراسی و اوتوز اوچ غرو شک مع مصارف محاکمه مرقوم کیغورق سرکزیاندن تحصیاتی و حجز موضوعک تصدیقی متضمن در سعادت ایکنجی محکمه تجارتدن استحصال ایلدیکی ۱۸ ایلول سنه ۳۱۹ تاریخ و ۲۷۶ نومرولی اعلام غیابینک بر قطعه صورت مصدقه سی محکوم علیه مرقوم کیغورقک اقامتکاهی مجهول بولمق حبسیله اصول محاکمه حقوقیه قانونک یوز قرق طقوزنجی ماده سنک فقره اخیریه سی احکامنه توفیقاً تبلیغ ایدلش عد اولمق اوزره محکمه دیوانخانه سنه تعلیق اولندیغی کی اوراق حوادث واسطه سیله دخی اعلانه ابتدار قلندی .

کوریجه تجارت محکمه سنده :

کوریجه واروشنک یکی محله سی ساکنلرندن دعوی وکیلی واسیل دیمتری قوندی طرفندن کور یجه تابع ترهقه قریبه سی ساکنلرندن ایکن الیوم اقامتکاهی مجهول بولندیغی خبر ویریلان تجارتدر طناش واسیل ذمتده جیرو صورتیه دسترس اولدیغی امره محرر بر قطعه سنده مستنداً مطلوبی اولهرق ادعا کر ده سی اولان بیک سکزیوز الی بش غرو شک تحصیلی حقتده مرقوم علینده کوریجه تجارت محکمه سنده اقامه ایلدیکی دعوانک اشبو اوچیوزاون طقوز سنه سی کانون نایسنک اون بشنجی پنجشنبه کونی ساعت یدیده فصل ورؤیتنه مباشرت اولنه جغندن مرقوم طناش واسیلک یوم و وقت مذکورده محکمه مزبوره ده حاضر بولنسی و یاخود مصدق سنده بر وکیل کوند سی لازم کله جکی و شاید کیز وکیل کوند رمنایسه دیگر طرفک وقوع بوله جق طلبی اوزرینه حقتده معامله غیاییه اجرا قلنه جینی معلوم اولمق اوزره تنظیم اولنان دعوتیه ورقه سی اصول محاکمه حقوقیه

قانوننک فقره اخیریه سی حکمنه توفیقاً علی الاصول محکمه نک دیوانخانه سنه تعلیق قلندیغی کی اوراق حوادث واسطه سیله دخی اعلان اولنور .

در سعادت تجارت محکمه سی اجرا دائره سنده :

بشکطاشده واپور اسکله سنده کرچی یانی نیقولا قره پترونک بک اوغلنده تپه باشی جاده سنده کائن پترسبورغ اولنک مستأجری ایکن الیوم اقامتکاهی مجهول بولنان آریستیدی ولد خرملبو پانوپلو ذمتده امره محرر ایکی قطعه بونو موجبجه آله جینی اولان مع قاض المش طقوز ایرا قرق اوچ غرو شک مصارف محاکمه سیله برابر مدعی علیه مرقوم آریستیدین بالتحصیل مدعی یانی نیقولا به اعطاسنه و حین تأدیه سنه دکین رأس المال کذشته یوریدلمسنه دائر ایکنجی محکمه تجارتدن تنظیم واعطا اولنان ۳۰ ایلول سنه ۳۱۶ تاریخ و ۳۴۵ نومرولی اعلام غیابی صورت مصدقه سی مدعی علیه غائب اولوب اقامتکاهنک مجهول بولنسی جهتله ۲۸ تشرین اول سنه ۳۱۶ تاریخنده اعلانا تبلیغی اجرا قلنش و حکم اعلامک انفاذی مدعی مرقوم طرفندن باعریحال طلب ایدلش اولدیغندن تاریخ اعلاندن اعتباراً طقسان برکون طرفنده مدعی علیه مرقوم آریستیدینک دائره اجرا ده اثبات وجود ایه مع قاض و مصارف محاکمه مبلغ محکوم بهی تسویه ایتدیکی وقانوناً شایان قبول بر جواب ویرمیدی تقدیرده حکم اعلامک اجرا و معامله نظامیه نک ایفا اولنه جینی مبین تنظیم اولنان اشبو اخبارنامه اصول محاکمه حقوقیه قانونک یکر می التجی و اجرا قانونک یکر می طقوزنجی ماده لری موجبجه مدعی علیه مرقومه تبلیغ ایدلش عد اولمق اوزره محکمه تجارت اجرا دائره سی دیوانخانه سنه تعلیق اولندیغی کی غزته لرله دخی اعلانه مبادرت قلندی .

اعلامات نظامیه اجرا دائره سنده :

خره لمبونک بااعلام نظامی جمال بک ذمتده آلا جینی اولان مبالغت تأمین استیفاسیچون مرهون و فروختی محکوم بولنان تک طاشلی بر عدد یوزک و بر عدد آتون ساعتک تاریخ اعلاندن اوچ کون صکره یعنی شهر جاری رومینک یکر می دردنجی بازار ایرتسی کونی چارشوی کیرده قیو عجیلر داخلنده بالمزایده فروخت اولنه جینی در سعادت اعلامات نظامیه اجرا دائره سندن اعلان اولنور .